



Inatsisartunut ilaasortaq  
Malene Vahl Rasmussen  
Demokraatit

**Allorfiup imigassaq pillugu katsorsaasarnera pillugu § 37 naapertorlugu  
apeqqummut akissuteqaat**

24-08-2018

Suliap nr. 2018 - 16532

All. nr. 8512245

Allorfiup imigassaq pillugu katsorsaasarnera pillugu apeqquteqaravit qujanarujussuaq,  
ataanilu ataasiakkaarlugit apeqqutit akissavakka.

Postboks 1160

Oqa.: 34 50 00

Fax: 34 55 05

3900 Nuuk

Email: [pn@nanog.gl](mailto:pn@nanog.gl)

[www.naalakkersuisut.gl](http://www.naalakkersuisut.gl)

**1. Katsorsaariaatsimi Allorfimmim nappaat "imerajuttuuneq" qanoq  
naleqartinneqartigisarpa?**

Naalakkersuisut isumaqaramik imigassamik pinngitsuuisinnaannginnej nappaataasoq  
imigassaq pillugu katsorsaaneq Naalakkersuisut Peqqissutsimut Ilisimatusarnermullu  
Naalakkersuisoqarfiup ataanut inissippaat. Nappaatip tamatuma annertussusaa  
nalilerniarlugu nunani tamani atuuttumi immikkoortiteriaaseq ICD-10 atorneqartarpooq,  
tamatumanilu pinngitsuuisinnaannginnermi ersiutit arfiniliupput. Ersiutini arfiniliusuni  
pingasut qaammatini aqqaneq-marlunni kingullerni atuuttariaqarput.

Inuit ilaasa imigassamik pinngitsuuisinnaannginnermik ineriertitsisarnerannut  
nassuaariaaseq suli maannamut isiginnitaatsit assigiinngitsut atorlugit  
nassuiarneqartarpooq. Nakorsaatilerinerup iluani imigassamik pinngitsuuisinnaannginnej  
nappaatit isigineqartarpooq, isumaginninnerullu iluani inuuniarnermi atugassarititaasut  
erloqinarnerannut takussutissatut isigineqartarpooq, inuup sananeqaataanik  
misissuisartut kingornuttakkatut isigisarpaat ilisimatuullu qaratsap kalerrisaarutaanik  
allanganuertut isigisarlugu. 1960-ikkunni tamatumalu kingorna imigassamik  
pinngitsuuisinnaannginnej eqqarsartaatsimut tunngatinneqarnerulerpoq. Tassa  
inuppassuit, allamik pilerinarnerusumik sualuttumik  
pinngitsuuisinnaasimannigkaluarlutik, toqqaasinnaagaangamik  
imigassartornaveersaarsinnaasut.

Taamaattumik ullumikkut amerlanerpaat isumaqarput imigassamik  
pinngitsuuisinnaannginnej pissusiusoq ilinniarneqarsimasoq kulturimit, inuunermi  
atugassarititaasunit, inuup sananeqaataanit, isumaanit inunnnullu attaveqartarneranit  
sunneqarsimasoq. Taamaattumik tamatumani imigassamik  
pinngitsuuisinnaannginnej ataavartutut allangortinneqarsinnaanngitsutullu  
isigineqartariaqanngilaq.

**2. Katsorsaariaatsit suut Allorfimmim atorneqarpat aamma katsorsartittut  
sunnyuteqarfingisinnaanerlugu katsorsaariaatsit suut atorneqassanersut?**

Nuna tamakkerlugu siunissami atornerluinernik katsorsaanermut pilersaarut  
naapertorlugu Naalakkersuisut kissaatigaat innuttaasunut imigassamik, hashimik  
aniaaasanoornermillu ajornartorsiuteqartunut neqeroorutit amerlisinneqarnissaat.  
Kalaallit Nunaanni katsorsaariaaseq atorneqarnerpaaq tassaasimavoq katsorsaariaaseq  
Minnesota, katsorsaariaaserlu taanna innuttaasunut amerlasuunut suli  
neqeroorutaasarpooq. Katsorsaavinni Allorfinni periutsit nutaanerusut,  
piumassuseqalersitsiniarluni oqaloqateqariaatsit pissuserlu allangortinneeiarlugu  
eqqarsartaatsimik allangortitsiniarneq, atorlugit katsorsaasoqartarpooq. Periutsit taakku  
ilisimatusarnermik tunngaveqarlutilu sunnyuteqarluartarnerat uppernarsineqarsimavoq.

**3. Allorfimmi tunngaviusumik katsorsaanermi siunertaanerluni  
imerunnaavittoqarnissaa imaluunniit sulissutigineqartarnerluni "Sualunngitsumik  
imertalernissap" ilikkarniarnissaa?**

Allorfiup innuttaasoq siunissamut tunngatillugu atuinermi piviusorsiortumik anguniagaqarnissaanik suleqatigisarpaa. Tamatumani katsorsaanerup naammassinerani imigassartunngilluinnarneq amerlanertigut anguneqartarpooq. Innuttaasulli ilaasa pisuni ataasiakkaani annikinnerusumik imigassartornissaq assut kissaatigisarpaat, taamaattumik anguniakkap tamatuma piviusunngortinnissaa sulissutigineqartarpooq.

**4. Allorfimmi katsorsaareernerup kingorna suut katsorsaanermi  
malitsiginneqartarpat?**

Katsorsarereernerup kingornagut ingerlaqqinnissamut innuttaasut tamarmik Allorfinni najukkanilu katsorsaavinni katsorsartissimasut neqeroorfingineqartarput. Katsorsartinnerup kingornagut ingerlaqqinnissamut neqeroorut sapaatip-akunnerani 26-ni ingerlanneqartarpooq. Najugaq qimannagu katsorsaanerit Katsorsaavimmit Nuummit ingerlanneqartarput, taakku pillugit 2017-imi suliassanik tamanut neqeroortitsinerni ingerlatsisuuussussanngormata. Tamatuma saniatigut 2018-ip kingorna atuileqqinnissamut pitsaliuinermut mindfulness neqeroorutit ilagilissavaat.

**5. Eqimattanut Allorfimmi katsorsartinnissaminnut upperinnngitsunut  
imaluunniit piumassuseqanngitsunut katsorsaariaat suut  
neqeroorutigineqartarpat?**

Nuna tamakkerlugu siunissami atornerluinermik katsorsaanermut pilersaarut naapertorlugu katsorsaariaaseq annikinnerpaamik akuluffusoq, innuttaasup iluaqtigisassaatut ilimagineqarsinnaasoq sapinngisamillu innuttaasup najugaaut qaninnerpaaq, neqeroorutigineqartassaaq.

**6. Allorfik kommunini tamani katsorsaveqalissaq. Tamatumap annertusinissa  
pilersaarutaava illoqarfinni tamani katsorsaveqalersillugu imaluunniit  
katsorsaavinnik pilersitsiortorani eqqarsaatigineqarluni katsorsaasartut  
namminersortut illoqarfinnut/nunaqarfinnut aggerlutik katsorsajartartut  
atorneqaannarnissaat?**

Nuna tamakkerlugu siunissami atornerluinermik katsorsaanermut pilersaarut naapertorlugu kommunini tamani kommunip illoqarfiani annerpaami katsorsaavimmik pilersitsisoqassaaq. Katsorsaavinni taakkunani innuttaasut 61 procentii matussuserneqassapput. Sinneruttut 39 procentit pisarnertut illoqarfimmi najugaanni Nuummiluunniit katsorsarneqarnissaat naatsorsuutigineqarpoq. Ullumikkut ukiumoortumik najukkami katsorsaanerit aqaneq-marlk neqeroorutigineqartarput – kommunini minnerusuni tamani marlk Kommuneqarfimmilu Sermersuumi sisamat – katsorsaanermi ataatsimi 22-t peqataasinnaallutik. Kommunit suleqatigalugit katsorsaanerit inissismaffissaat pilersaarusiorneqartarpooq. Nunaqarfinni illoqarfinniluunniit, najukkami katsorsaanissamik pilersaarusiorginieqanngitsuni, innuttaasut Nuummi katsorsartinnissamik neqeroorfingineqartarput.

Najukkami katsorsaaneq Peqqissutsimut Iiisimatusarnermullu Naalakkersuisoqarfimmit arlalitsigut, kommuninik ataasiakkaanik matussusiisumik, neqeroorusiortitsissutigineqartarpooq. 2016-imi kingullermik 2017-imi apriliimiit atulertussamik neqeroorusiortitsisoqarpoq. Najukkami neqeroortartut tamarmik neqeroorusiortitsinermi neqeroorsinnaatitaapput. Akigititaasut pitsaassuserlu

pitsaanerpaamik ataqatigiippata isumaqatigiissusiortoqartapoq, soorlu  
Namminersorlutik Oqartussani neqeroortitsinerni allani taama ingerlasoqartartoq.

**7. Naalakkersuisut qinnuigineqarput katsorsaanikkut inuiaqatigiinnilu  
aninggaasarsiornikkut iluaqutissat tunngavilersueqqullugit illoqarfinni tamani  
katsorsaavinnik pilersitsisoqassagaluarpat imaluunniit  
pitsaanerussannginnersoq suliassat atornerluisunik katsorsaasartunut  
namminersortunut sulariumannittussarsiuunneqartuuppata?**

Apeqquummut 6-imut akissut takuuq.

**8. Atornerluisunik katsorsaanermut akisussaanerup kommuninut  
tunniunneqarnissa Naalakkersuisut eqqarsaatiginerlugu, sullitap taassumalu  
sullissisuata ataatsimoorlutik aalajangersinnaanngorlugu sullitaq qanoq sunalu  
katsorsaariaaseq atorlugu katsorsarneqassanersoq?**

Ikiaroornartunik atuinermut katsorsaanermik tigusinissamik kommunit  
saaffiginnikkaluarpat Naalakkersuisut tamanna ajunngitsumik isumaqarfigissavaat.  
Peqqissutsikkut katsorsaanermut sumulluunniit tunngatillugu kommunip angissusaa  
pissutigalugu neqeroorutit assigiinngisitaarnissaasa neqeroorutillu ilisimatusarnikkut  
paasisat kingulliit qaqugukkulluunniit atulersinneqarsimanissaasa qulakkeernissaat  
ajornakusoorsinnaavoq.

**9. Atornerluisunik katsorsaanermut tunngatillugu Naalakkersuisut allanik  
soqutiginartunik nalunaarutissaqaqarnerlutik?**

Massakkuugallartoq allanik nalunaarutissaqaqanngilagut

Inussiarnersumik inuullaqaqqusillunga



Doris J. Jenseen